

明
清
史
料

乙編
第九本

(96356·1B9)

明 清 史 料
乙 編
十 本

版權所有 翻印必究

中華民國二十五年六月初版

全部連布定價國幣玖元
第九本定價國幣玖角
外埠酌加運費匯費

編輯者

國立中央研究院
歷史語言研究所

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

平

明清史料目錄

乙編第九本

八百零一至九百葉

兵科抄出山東巡撫王從義題本

八〇二

兵部行「兵科抄出山東巡撫朱大典題」稿

八〇三

兵部題「流寇侵楚患急等事」殘稿

八〇五

兵科抄出陝西巡按范復粹題本

八〇六

兵部題行「兵科抄出河南總督陳奇瑜題」稿

八〇七

兵科抄出陝西巡按范復粹題本

八〇八

荆楚剿賊功次殘稿

八〇〇

戶科外抄湖廣巡按余應桂題本

八〇四

兵科抄出湖廣巡按余應桂題本

八〇六

兵科抄出湖廣巡撫盧象昇題本

八〇八

兵部行「兵科抄出山西巡撫吳牲題」稿

八〇〇

兵部題行「湖廣巡撫王夢尹塘報」稿

八〇三

兵部行「戶科外抄戶部尙書侯等題」稿

八三三

兵部題行「兵科抄出湖廣巡撫王夢尹題」稿

八三四

兵科抄出京營提督張國元題本

八三五

兵部題行「江西巡撫解學龍咨」稿

八三九

兵部行「兵科抄出山西巡撫吳牲題」稿

八四〇

兵部題行「兵科抄出鄖陽撫治苗胙土題」稿

八四二

兵部題「兵科抄出惠王常潤奏」稿

八四三

兵部行「上傳鄖撫宋祖舜縱賊渡江一案」稿

八四六

兵部行「兵科抄出山西巡按張孫振題」稿

八三七

兵部行「兵科抄出山西巡撫吳牲題」稿

八三八

兵部題「酌議世職武科等情」稿 八四〇

兵部題行「兵科抄出河南總理王家禎題」稿

八四三

楚中失事殘稿

八四六

兵部行「武選等清吏司呈」稿

八四九

兵部題行「兵科抄出保定巡撫張其平題」稿

八五〇

兵科抄出山東巡按洪啓遵題本

八五三

兵部尙書楊嗣昌題「申明督餉原議」稿

八五七

兵部題「兵科抄出順天府府尹李覺斯題」稿

八五九

兵科抄出陝西三邊總督洪承疇題本

八六二

兵科抄出陝西巡撫孫傳庭題本

八六七

兵科抄出四川巡撫傅宗龍題本

八六九

兵科抄出湖廣巡按林銘球題本

八七一

兵部行「兵科抄出兵科都給事中張縉彥題」稿

八七四

兵科抄出鄖陽巡撫王鰲永題本

八七五

兵部行「御前發下四川巡撫傅奏」稿

八七六

兵部題行「房縣剿賊不利等情」稿

八七七

兵部行「原任浙江總兵標下加銜守備陸元吉呈

八七九

「稿

兵科抄出督師楊嗣昌奏本

八八〇

兵部題「職方清吏司呈」稿

八八一

湖廣巡按汪承詔會題羅田失陷殘件

八八三

戶科外抄鳳陽巡撫朱大典題本

八八六

兵部行「國子監監生徐光岳揭」稿

八八七

兵部題行「兵科抄出本部覆湖廣巡按汪承詔題

八八九

「稿

兵部題行「兵科抄出偏沅巡撫陳睿謨題」稿

兵部題行「保定巡撫黎塘報」稿 八九〇

兵部行「兵科抄出湖廣巡按汪承詔題」稿 八九一

兵部題行「新推大名府叅將土國寶呈」稿 八九三

戶科外抄戶部督催新舊餉務李鍾秀奏本 八九四

兵部行「吏科抄出督師楊題郎治改陞總督」稿 八九五

兵部行「兵科抄出保定總兵楊德政題」稿 八九六

兵科抄出山東巡撫王國寶題本 八九七

兵科抄出山東巡按李近古題本 八九九

明清史料

乙編第九本

八百零一至九百葉

兵科抄出山東巡撫王從義題本

崇禎二年四月十九日到又會同山東巡按王題出首妖賊事一件抄附尾行兵部呈於兵科抄出

欽差巡撫山東等處地方督理營田提督軍務戶部右侍郎兼都察院右副都御史臣王從義謹題爲出首妖賊事據山東按察司呈一問得一名劉思賢年五十一歲兗州府鄒縣人狀招先未監故張加領孫寅素稱白蓮教會受歇案僞太師沈智符法時常聚會黨類陰懷叛謀天啓七年間張加領結交孫寅與思賢及見獲大頭目王運田孔等十三名并未獲大頭目聶興□□□九常等各就不合與獲故大頭目王大道等十二名商說明年戊辰之年僞主姓田北直隸人要來坐兗州府城□□大衆招些英雄豪傑聚些兵馬等到來時聽其調用思賢又不合與張加領孫寅各佔稱皇極法王三陽教主王運王仁德佔稱總國元帥思賢等各又不合以紅絹紅布上書皇極號用金貼并寫田令者爲尊貴次以白布用銅綠印三陽號字者爲大衆各賊置下紅面黃裹頭箍預備臨時戴上以便認識張加領與衆賊說兗州府形象是龜城又僞稱爲鐵面城若打左右其頭必來相顧若打南門堅固難攻必須攻打北門僧等若不齊心同盟怎麼取得此城思賢等衆賊各又不合同跪孫寅隨把人妖話假說西路西天之體留下四十八願衆生無愿不成無愿不靈愿愿相隨若不識真法制服將此身化爲膿血若有毀道雙眼落地念畢叩四頭獲故張明宇又假說祖師眞法能騰雲駕霧况魔頭止有一分似我等眞法有九分田主一到各處傾服取兗州府何難想城裏面宮女龍袍那樣不有僧等受用不盡思賢等各又不合續度惑已獲孟業等拾一名并萊蕪縣另卷捉獲已問結梟示李

守己及獲故張習遠等四名未獲陳玉欒等四十二名各不合與獲故于進科等見得崇禎元年春月亢旱民心惶惶安排乘機攻取兗州府比孫寅於本年四月初五日隨給與張加領號帖分發於本月初七日夜散與出首給賞張四海張加性李才各見在白布號帖一處散與獲故王仁德見在白布號帖八塊紅絹頭箍伍條又散與彭啓維彭懷智彭懷政各見在白布號帖一塊思賢王運皇極字田令字號布貳塊總國旗二杆田孔李英王計道惠魁春李孟奉宰士如等綠字三陽號布十四塊聶九常亦於本日使人到滕縣地方沙灣散與張學禮白布號帖十塊張學禮散與親弟張學書并劉全搜獲號帖各一塊又散與出首給賞曾玉見在白布號帖一塊聶九常又使不知名人送與王化民見獲紅黃布各一塊口稱待師傅到日用印王化民亦不合寄放審釋伊親王國柱家孫寅又散與聞祥遺失白布號帖一塊又與叔孫癩子白布號帖拾二塊起獲八塊見在其餘四塊燒訖孫寅又散與陳科見在白布號帖七塊又散與李傑紅頭箍三條有見獲宋上時亦不合知情窩藏孫寅在家或扮道人或假賣藥常與紀龍池往來王運又不合自置起獲貯庫鉞口一柄長刀一口并見在紅號巾四頂頭箍三箇紅白布各半匹韓允自置白號旗二杆槍四杆銅號印一箇圖書二箇衆賊商說古時有東京西京後有南京北京若得兗州府改爲中京要取此城奈裏面無人不便攻打先使張甫等六名假指推車爲名藏帶槍刀器械進府以爲內應到初九日夜聽得外邊吶喊裏面就發火爲號如今河南開州濮州范縣大名府大約有幾萬人來都攻兗州府有何事不成劉科劉舉劉三位仲承德邵金溫進舉溫進朝各不合備飯會衆置買見獲弓箭并槍預備政府打仗各面質吐證張加領與衆賊原約會聚三四千人於本月初八日在鄒縣地方橫河岸取齊約定初九日夜在華落樹林下剗營攻取兗府至本日半更時分各又不合各拏

丟棄并燒燬柳杆楊杆長槍長刀短槍鐵棍腰刀不記的數同到橫河隨衆賊走至葦落樹下思賢使衆賊着一半上
兗府城東金口壩兩路分兵攻取兗城衆賊一半在葦落樹下專候各處妖賊夜至四鼓止有五六百賊因賊不齊人
少不敢動手比張加領與劉進登等掣見起獲大杉杆十二根蔴繩十條欲要筍梯上城只聽得城上鑼聲梆鈴不絕
又無內應不敢上城衆賊見事不諧隨將頭戴草帽氈帽取下套在槍上衆賊羅拜帽忽落地衆恐不利又見天明了
各星散訖滕鄒二縣遵奉院司道府明文嚴查保甲爲法頗嚴最先於初八日未時分張四海張加性李才將號票出首
又有曾玉亦具手本該滕縣管縣事兗州府同知李洵瑾鄒縣知縣黃應祥各申報東兗道該本道劉左布政使會同
兗東道沈左布政使嚴督兵丁將妖首張加領拏獲又將同夥妖賊王化民等十六名捉獲并在孫寅劉科家起出紅
絹紅紗紅布皇極號七百塊白布三陽號五十六塊貼字金一封火藥一包槍七杆弓一張箭一把做皇極字未裁開
紅絹一疋紅布一疋紅頭箍八條又紅布一段俱貯庫兩道又一面嚴督鄒縣加意隄防卽於本日晚把守東門老人
吳雄南民壯劉昂捉獲姦細丘舉到官兩道又嚴督快壯兵丁人等將思賢并同夥大盜王運劉進登等捉獲并起獲
總國旗二杆紅布包巾四頂皇極號布二塊頭箍三箇紅白布各半疋白布三陽號十四塊白號旗二杆銅印一箇圖
書二箇皇極字黃布一塊一尺紅本伍條又紅黃布五段鉞斧一把長刀一口鎗四杆俱貯庫比將獲賊緣因申報合
于上司照詳當蒙巡撫山東王都御史憲牌爲照鄒縣妖亂自剿滅之後復剪大盜條金山黃步雲等正法甫謂地方
綏靖不意餘孽張加領等姦謀復舉若非該道綱繆之預發縱之速壬戌之變將復見於今日矣賊首旣已就縛餘孽
尤爲可慮牌仰兗東兗二道各將該營兵馬整槩齊備加意隄防并行鄒滕一帶州縣嚴行保甲聯絡鄉兵共爲防

守如有妖賊結聚情形不時飛報一面相機剿捕務俾姦宄潛消地方寧謐仍將發去告示一張抄謄徧發曉諭毋得玩忽又蒙批據東兗道呈詳蒙批張加領等蓄謀聚衆約期攻城勢亦大可駭矣幸就擒獲實該道設伏之力也仰將已獲者究招速解未緊者^(獲)上緊嚴緝其保甲之法照另牌申飭行繳又蒙巡撫鳳陽帶管總理河道戶部郭侍郎詳批仰東兗道審確招詳未獲者仍令捕官偵緝其勢要莊場屯廠并候嚴檄申飭行繳俱行到道批發兗州府劉知府審看得張加領等均妖孽也自壬戌猖獗勢敗瓦解雖埋頭藏尾而不軌之心未嘗一日忘也適逢天道亢陽民心靡定羣邪^(乘)秉機思亂密傳萬億之衆而立師立祖倚恃祥符之雄而稱帝稱王至造號帖號箍令旗國旗并^(下缺)

兵部行「兵科抄出山東巡撫朱大典題」稿 辰字三百十二號

兵部爲奸盜形跡漸章遑妖萌□□□□□開併申綱繆之策以安重地事職方清吏司□呈奉本部送兵科抄出山東巡撫朱大典題稱崇禎六年四月二十四日據分巡兗西道副使謝肇玄呈據金鄉縣知縣王之瓚申稱照得職莅任月餘恪遵憲檄日□□兢以緝盜賊禁左道安地方爲急務不意金鄉縣城南五十里大孟集居民王瞎子名王倫益□□混元祖師其小妻張氏綽號十指母者□□□□□□□其挾法術以欺世門徒弟子至七八千□□□□□假銀以贍賊賊待以舉火不知其數者有謂其設謀造意擇吉辰以舉大事者有謂其精馬前課大六壬預爲賊趨吉避凶者有謂其南走淮徐北走曹濮號召□黨與者有謂其多蓄海上奇方以醫病爲繇因而結爲夥類者種種傳聞殊駭聽觀職又偶晤魚臺亦云□招詞存案恨未獲其人耳職隨差捕差孔時邢濟民等密授方略以職抱病延醫爲名□□□□□作眼勢可致則力而拘諸原使孟賁之勇無施機可圖則智而執諸室使公輸之巧莫用一意渠魁毋貪脅從時等密領職意帶加銀暗暗踏尋至單縣東三十里地名龐家屯積窩龐慎吾家有正樓三間王□□與其小妻密居其內時令加銀哄下樓來道職□□之意伊不及防時等蜂擁直前縛之馬上又恐黨類實繁解脫未便他無所顧疾馳回金職當時嚴加考訊據本犯口稱素被妖道授術算知未來事情前從白蓮教首徐鴻儒爲亂倖逃至今喫齋惑衆會聚各處賊首崇禎五年八月內有窩主龐慎吾家衆賊頭來到倫益家內南房坐下定陶縣孔華宇說有五十人周小亭說有六百人濮州李養吾說有一□□十人魚臺縣郭小川說有八十人金鄉縣張對所張邦明說有一二十人倫益聽的卽說我算著年景變了妄誕等語你們且各回家招兵買馬到明年三月後

再來衆賊散訖至崇禎六年二月初十日賊首孔華字張對所張邦明率領手下賊人宗講等四十餘人約一更時分又到倫益家內商說搶魚臺縣地口西壩堆集并魚臺縣次早到集西候郭小川未到晚餘賊散却鄉村孔華字張對所張邦明復回口口家內計議倫益說先去龐慎吾家安置糧草你尋口養吾周小亭郭小川齊領兵來可好擇日行事等語吐供在案至本年四月初一日捉獲黨賊宗講李口祿江慎吾胡勳劉子貢劉二官六賊到縣審招本年二月初十日同賊首孔華字等到王倫益家商量搶集搶城未遂回到合義集西短小車四兩至本年三月二十六日往鉅野縣地方張峯集接孔華字統賊一夥馬步風馳順東南大路奔走搶騎孟居賓家口口口劫單縣地方平岡辛羊等集隔審口供符節不口職于是瞿然懼也萬一後祖著鞭機關稍漏將鴻儒後見于今而孔賊接踵于世也豈不殆哉此皆憲威所懾敢言曲突徙薪之計第聲色未動幸免焦頭爛額之酷耳謹差人馬上飛報共懸首通衢以絕脅從屬望之心也惟命其幽囚囹圄以留後證之口也唯命職未敢擅便等情該本道副使謝肇玄看得兗西一區大盜衣鉢相傳已成痼疾妖黨羽翼口散潛肆顛狂本道日行各屬爲防禦計者惟以口口奸細嚴拏渠魁爲急務不謂王瞎子一孽又復見于金鄉也今據該縣申獲王倫益素習妖術昔從徐鴻儒爲亂號召兇徒今復與孔華字等爲奸搶集搶城之計視若探囊聞其言大可寒心正其罪允宜棄市本道一面嚴行確審另招并將夥黨密緝嚴拏務期擒獲以靖地方等因具呈到臣看得蓮妖煽禍自徐鴻儒俘解正法徒黨漸滅示懲方口口此邪教俱已披根掘株矣不意突有兗西道所呈口口縣妖孽王倫益其人者夫婦俱有綽號一曰混元祖師一曰十指母的係白蓮教中所爲傳頭者（謂）是也據倫益供稱前從鴻儒作亂倖逃至今怙惡不悛種種左道蠱惑愚蒙句集奸宄如窩主龐慎吾賊頭孔華字等

屈指不下千餘人皆窺伺地方之隙以圖竊發幸發覺頗早又捉獲宗講等六名雖非所供慎吾華宇之輩然聲息一通此皆其影從口響應者搜緝渠魁以杜亂萌解散黨羽口口口各道屬所當亟亟焉圖之也東省從來多盜昨年霖雨爲災稽天大浸民爲魚鰲田卒汙萊春饑乏食東兗一帶樹無皮而草無根矣况自遼逆倡亂徵調一空觀望生心蠢蠢思動近荷皇上天威東牟底定而晉豫畿南流寇又屢見告省直地界軫接山左飄忽之賊廣布句連伏莽之戎口口口附數月以來如曹濮大盜區畫方殷而泰安口口口武鉅野各州縣或百十成羣公行劫殺或數十爲耦布散爲奸種種申報駭人聽聞臣不敢遽爾張口溷塵睿覽俱節次報部訖惟是賊黨聚散無常形蹤靡定官兵集則魚散獸奔甫撤回又豕突蟻聚隨賊追捕勞而無功必有未雨先桑之圖建威消萌之計乃稱有備無患除保甲鄉衛兵臣屢行申飭其德州臨清兗州沂州各營兵先時東調援登者亦盡數發還本營防禦訖但東兗一帶地方寥廓既欲防河又欲防陸分之而無所不寡遺之而乘所不意臣謂各營專守各信地此正兵也須有所謂奇兵焉於以扼要防衝使賊欲乘我而我卽以乘賊有所謂遊兵焉使我得乘賊而賊不得乘我議令遊擊張孔夢督臣標下新募義勇兵三營共一千六百五十員名以一營駐壽張一營駐東口一營駐鄆城而又令中軍劉良佐挑精健馬兵一百名隨孔夢以往以備策應而河臣朱光祚南鎮以控制之於前按臣謝三賓復西巡以彈壓之於後耳目改觀人心易慮妖黨無所售其邪奸人不得行其詭土賊解佩而息心流賊望風而裹足矣臣前于報盜疏內議說千兵於東鄆曹濮適中處所以資鎮壓而樞臣慮糧餉盔甲器械馬匹之費無可設處今以臣標下請設之牙兵向隨臣討賊于東口者其統理業有口將技膽素稱習練器甲不事口張克敵之師餘勇可鼓先聲所至賊膽自寒稍俟地方寧謐仍還臣標下以

壯居重馭輕之勢以裕環中四應之資計無有便於此者矣臣謹會同總理河道工部尙書兼右副都御史朱光祚巡按口東兼軍前監紀候京堂缺推用監察御史謝三賓合詞具題伏乞勅下兵部酌議上請施行等因崇禎六年五月口三日奉聖旨金鄉妖賊已獲的著卽審明正法其未獲有名渠魁仍着密行嚴緝一面解散脅從以靖口口各道將有司通行申飭悉備毋致疎虞其營兵分信防禦及標兵策應等事宜知道了該部知道欽此欽遵抄出到部送司案呈到部擬合就行爲此一咨山東巡撫合咨前去煩照明旨內事理將已獲妖賊審明正法未獲的嚴檄所口道府州縣文武各官選差的當番快設法廣捕密速緝拏定限七月中旬盡數必獲仍解散脅從申飭悉備以靖地方崇禎六年五月日尙寶司卿管司事李繼貞協贊司事郎中胡鍾麟

兵部題「流寇侵楚患急等事」殘稿

玄字四號紅本限卽日上速速七年正月初十日行訖李璣承

兵部尙書臣張等謹題爲流寇侵楚患急然眉且地近陵寢宜防震驚乞勅內外當事諸臣速圖剿禦之策以安南服事職方清吏司案呈崇禎七年正月初五日酉時奉本部送該吏部等衙門尙書等官李長庚等題前事內稱年來流寇發難秦晉燕豫皆遭荼毒仰塵聖明宵旰久矣中外喁喁祇望行間將吏犄前角後散黨除兇次第撲滅庶幾中原免遭蹂躪卽四方亦不至於雲擾不意寇黨且乘水堅渡河所掠州縣勢若破竹夫向者賊雖依山阻險尙有大河爲南北界限今旣自北而南從此戎馬之足一望無阻加以亂民飢民相率響應其猖獗可勝言哉前據塘報賊分兩股狂奔橫驚斷絕數百里人煙近聞已入南陽境上內鄉葉縣在在披靡襄陽已有壘卵之危矣襄郢壤接實肅皇帝湯沐之鄉獻皇帝陵寢在焉可不亟亟蚤爲計乎楚地客歲苦旱春種未佈秋穡無成饑饉子遺半填溝壑今復加以寇患焚劫在前驅脅在後其不胥化而爲盜者幾希况盜在兩河情形難掩聲息恒聞且調兵易集其患迫而易療盜一入楚呼籲罕通痛癢膈膜且調兵難集其患遠而彌深此不可不蚤見而預圖也臣等敢以三策請命於皇上自昔奸雄作亂首據要害如臣鄉荆襄黃德皆必爭之地也所當急選驍將抽調精卒蚤勅郢撫移駐襄陽楚撫移鎮黃州以爲控扼咽喉之計者一凡調兵必須選將將不得人兵反爲害臣鄉原無武備勢必調兵除鎮軍兵已經議調外如見任江南副總兵許自強曾守鎮軍素有紀律仍令統領軍兵必收勝算此外惟有蜀與楚鄰勢相唇齒訪聞雅黎參將羅尙文松潘副總兵譚大孝皆驍勇慣戰合無令其隨便抽調壯丁選帶偏裨前來授以楚兵分防信地可遏賊鋒所當亟勅該撫按刻期調發者二今欲將勇兵強非餉不可然亦不敢別索餉也昔黔中用兵助以楚餉二十萬今黔事

既平楚難方急卽以此餉還餉楚兵情理之最順最便無容再計者所當允留楚餉聽撫按便宜行事者三此三策者似皆可從惟聖明留意焉今豫撫晉撫秦撫各議協剿其兵力總注於西北若全楚一帶不得數枝勁兵截住賊鋒竊恐日驅日遠日蔓日深漕運京陵俱煩廟筭天下安危之機殆未可忽也夫調兵留餉勢若不無煩費然今已在焦頭爛額之時矣蚤爲收拾其費尤少必至殘破多方全楚^(猶)蹙^(蹙)而後爲之計其所費有更難言者西北兵多之地尙爾難支南方柔脆何以當賊事理曉然無煩再計臣等爲桑梓發端實爲國家起見情詞迫切伏乞皇上鑒察速勅該部覆議施行等因崇禎七年正月初五日酉時奉聖旨楚省陵寢重地豈容流賊窺伺覽卿等奏勢已蔓延亟宜翦滅各撫提兵合剿整銳偵扼昨已有旨奏內三策該部速與酌議具奏欽此欽遵恭捧到部送司案呈到部看得流賊分途南竄往西南者在襄樊之界往東南者直徧光黃之交矣冢臣李長庚等^(下缺)

兵科抄出陝西巡按范復粹題本

崇禎七年二月二十六日抄送奉旨五日爲期應本月二十九日議覆崇禎七年二月二十六日到賀爺覆兵部呈于兵科抄出

巡按陝西監察御史臣范復粹謹題爲查參失陷合水官員事崇禎四年十月初四日奉都察院勘劄准吏部咨該前按臣李應期具題合水縣陷城查參知縣蔣應昌帶捕驛丞王紹儒情緣該部覆議知縣蔣應昌逮訊奏合候命下將驛丞王紹儒先行革職行該巡按御史提問如律徑自具奏等因覆奉聖旨是欽此欽遵移咨劄行前來依奉案行陝西按察司勘問及臣接管屢催批駁去後茲據該司呈問得犯人王紹儒年六十歲北直順天府薊州人繇吏員除授陝西慶陽府合水縣宋莊驛驛丞崇禎三年八月十五日到任已革職狀招本縣典史張敷堯於本年十一月內朝覲訖本府帖委紹儒帶管本縣捕務自合偵探流賊嚴防城守不合慢不設備至崇禎四年二月二十九日流賊神一魁等數萬從保安縣南下縣內居民稀少守禦單弱不能敵賊夜至三更時分衆賊用火燒開西門彼紹儒自宜帶領兵快塞門堵截又不合故違被賊侵入境內虜掠人民比照守邊將帥發邊遠充軍事例各賊勢衆打傷紹儒左眼一擁進入城內燒燬衙門倉庫及街民財物盡掃一空虜掠婦女不計其數仍將紹儒緝鎮二十餘日嗣有前總督楊鶴差都司費邑宰到縣招撫各賊將紹儒方纔放出該前巡按御史李應期將失陷情緣參行吏部覆奉欽依劄行前來將知縣蔣應昌解京逮問訖案行按察司轉行慶陽府行合水縣將紹儒拘喚到官該知縣施喬枏研審紹儒供稱賊衆數萬將左眼打傷燒門進城前情明白問擬紹儒徒罪招申本府批駁本縣提解問紹儒夫妻乞食回籍差人前至薊州行提紹儒到府問擬守備不設邊遠充軍招解本司覆詳呈蒙臣駁批王紹儒官名帶捕失陷城池擬以充軍情法確否事關具奏未敢輕疎該司覆勘確報蒙行分守河西道仍行該府行提紹儒到官該知府鞠思讓覆審看得印捕

各官以城爲存亡城陷而紹儒安得獨生但合水一斗大山城當數萬勁敵且夤夜倉卒變出不測民無固志卽一捕官將奈之何爲法受過雖難寬貸而么麼苦吏情實堪憐仍照原擬充軍招呈到道覆詳送司該本司署印提學道右參議史高胤覆詳看得驛丞王紹儒委帶捕務既有城守之責當效捍禦之謀城池失陷罪安所逃訊者以流寇萬餘昏夜襲城合水一彈丸耳人民寥落甲兵空虛當斯際也印官已不能保矣帶捕驛官卽奮力格鬪致寇打傷左目安能施長技乎印官旣已伏法帶捕微有可原至其擅自回籍緝拏始結不又添一罪案耶屢訊旣無可加擬以邊遠充軍差可盡法矣將紹儒取問罪犯議得王紹儒所犯合比依守備不設被賊侵入境內虜掠人民者律杖一百發邊遠充軍拘僉妻解招達兵部知會照出充軍王紹儒免紙取著伍收管繳報等因崇禎七年正月二十六日招呈到臣覆詳無異除批候題請明文外該臣看得王紹儒雖合水縣一帶捕驛丞然亦有捍禦之責自宜城存與存城亡與亡矣至賊衆夜襲焚門以入其捍禦安在雖神一魁萬餘之寇攻彈丸之邑救援無兵人心不固火焚城門非一帶捕能禦然於三尺之法何且逃歸回籍以思苟免也但印官已經逮問伏法而紹儒又罹賊之鋒傷其左目此與棄城不守先事而逃者略有間焉擬以邊遠充軍足當其罪矣旣經該司呈詳前來相應具題伏乞勅下該部覆議上請合無將王紹儒聽兵部定衛充軍緣係云云謹題請旨崇禎七年二月二十五日奉（下缺）